



Caderno da crítica

Cuestionario Proust: Ana Cabaleiro

[Ramón Nicolás 13 Xuño 2017](#)

1.– Principal trazo do seu carácter?

– A perseveranza.

2.– Que calidade aprecia máis nas persoas?

– A xenerosidade para compartir tempo e saberes.

3.– Que agarda das súas amizades?

– Que non me xulguen.

4.– A súa principal eiva?

– A dispersión mental.

5.– A súa ocupación favorita?

– Fabular. Camiñar. Fabular. Camiñar. Fabular. Camiñar.

6.– O seu ideal de felicidade?

– Ter un recuncho propio para almorzar mirando o mar.

7.– Cal sería a súa maior desgraza?

– Perder a familia, tanto a de sangue como a elixida.

8.– Que lle gustaría ser?

– A Moura que garda o tesouro: estaría toda a eternidade entretida vendo como os pobres humanos se afanan na súa busca, daríalle pistas falsas, xogaríao ao despiste, a algún/ha axudaría. De non ser a Moura, elixo ser un paxaro dos que migran dun continente a outro: un albatro, por exemplo.

9.– En que país desexaría vivir?

– Na Galiza liberada.

10.– A súa cor favorita?

– O vermello, en todas as tonalidades posibles.

11.– A flor que máis lle gusta?

– As silvestres de cor amarela: principalmente a do toxo, a da xesta, a do codeso e a da herba de San Xoán.

12.– O paxaro que prefire?

– O cuco, sempre anuncia unha boa época

13.– A súa devoción na prosa?

– Virginia Woolf e Alice Munro, en empate técnico.

14.– E na poesía?

– *Poeta en Nova Iorque* de Federico García Lorca.

15.– Un libro?

– *Polaroid* de Suso de Toro. No seu momento, marcoume.

16.– Un heroe de ficción?

– O replicante Roy Batty. Tremendo poeta!

17.– Unha heroína?

– Eva, a primeira habitante do Paraíso. Foi a primeira gran rebelde da que temos noticia documentada, e foi unha muller moi valente, un exemplo a seguir.

18.– A súa música favorita?

– Toda a que me recorda a adolescencia, e aí tanto caben *Los Suaves* como Andrés do Barro.

19.– Na pintura?

– Jean Michel Basquiat

20.– Un heroe ou heroína na vida real?

– Todas as nais traballadoras, ou sexa, todas as nais.

21.– O seu nome favorito?

– Ramona, que era o nome das miñas avoas “postizas” (eu non coñecín as miñas avoas, e a súa figura ocupárona as señoras maiores do lugar onde nacín).

22.– Que hábito alleo non soporta?

– A prepotencia.

23.– O que máis odia?

– O abuso, en calquera das súas formas.

24.– A figura histórica que máis despreza?

– Os ditadores. Por poñer un exemplo familiar e próximo, diría Franco.

25.– Un feito militar que admire?

– A admiración e os feitos militares son incompatibles no meu ideario persoal.

26.– Que don natural lle gustaría ter?

– O da palabra falada, encantaríame ser unha estrela da narración oral.

27. – De que maneira lle gustaría morrer?

– De ningunha.

28.– Cal é o seu estado de ánimo máis habitual?

– O optimismo inconsciente e irracional.

29.– Que defectos lle inspiran máis indulxencia?

– A bondade, que é un defecto difícil de atopar pero de consecuencias terribles.

30.– Un lema na súa vida?

– Andaremos e veremos.